

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 27. sjednici, održanoj dana 31.10.2019. godine, d o n o s i

ZAKLJUČAK

I.

Usvaja se Informacija o stanju u oblasti raseljenih lica i povratnika na području Zeničko-dobojskog kantona i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____ /19
Datum, 31.10.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za rad, socijalnu politiku i izbjeglice,
1x a/a.

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA RAD,
SOCIJALNU POLITIKU I IZBJEGLICE



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF LABOR, SOCIAL AFFAIRS,
THE DISPLACED & REFUGES

I N F O R M A C I J A
o stanju u oblasti raseljenih lica i povratnika
na području Zeničko-dobojskog kantona

Zenica, oktobar 2019. godine

S A D R Ź A J

1.	UVOD	STR. 3
2.	PRAVNO UREĐENJE STATUSA RASLJENIH LICA I POVRATNIKA	STR.3
3.	BROJČANI POKAZATELJI I NAČIN SMJEŠTAJA RASELJENIH LICA	STR. 4
3.1.	BROJ RASELJENIH LICA U 2019. GODINI	STR. 4
	NAČIN SMJEŠTAJA RASELJENIH LICA I POVRATNIKA	STR. 4
3.2.		
4.	POVRATAK RASELJENIH LICA NA PODRUČJE KANTONA	STR. 6
5.	PROJEKTI OBNOVE STAMBENOG FONDA I ODRŽIVOG POVRATKA	STR. 6
5.1.	PROJEKTI POTPORE POVRATKU MINISTARSTVA ZA RAD, SOCIJALNU POLITIKU I IZBJEGLICE	STR: 7
6.	ZAKLJUČNA RAZMATRANJA	STR. 8

1. UVOD

Programom rada Vlade Zeničko-dobojskog kantona za 2019. godinu predviđeno je razmatranje Informacije o stanju u oblasti raseljenih lica i povratnika na području Zeničko-dobojskog kantona.

Proces povratka raseljenih lica još uvijek nije završen iako je od završetka ratnih sukoba protekao značajan vremenski period. Proces povratka, s obzirom na kompleksnost, se treba sagledavati sa aspekta socijalnih kategorija budući da je najveći broj raseljenih lica koja se još uvijek nisu vratila u prijeratna mjesta stanovanja socijalna kategorija, lica bez primanja ili lica na rubu egzistencije. Poseban problem su raseljena lica koja prije rata nisu imala imovinu, odnosno lica čiji je status revidiran na temelju zaštite ljudskih prava, humanitarnih i drugih razloga (žrtve nasilja, traume i zlostavljanja i sl.) kao i porodice kod kojih ne postoji mogućnost rekonstrukcije prijeratnih stambenih jedinica.

Većina raseljenih lica koja su evidentirana na području Kantona pripadaju posebno ranjivim kategorijama stanovništva kao što su: tjelesno i mentalno onesposobljena lica, hronični bolesnici, porodice sa jednim roditeljem, djeca bez roditelja, starija lica bez sredstava za život i ostala lica koja imaju objektivne razloge zbog kojih se ne vraćaju u prijeratna mjesta življenja.

S obzirom na specifičnost ovih kategorija potrebno je na senzibiliziran način pristupiti iznalaženju trajnih rješenja bilo izgradnjom zgrada za socijalno-neprofitno stanovanje, ili kroz smještaj u ustanove specijalne namjene. S tim u vezi potrebno je angažirati sve relevantne institucije na rješavanju pitanja zdravstvene zaštite, obrazovanja, socijalne zaštite, a naročito obezbjeđivanja pretpostavki za zapošljavanje i samozapošljavanje povratnika.

U Informaciji će se dati pokazatelji koji se odnose na strukturu raseljenih lica na području Zeničko-dobojskog kantona, alternativno stambeno zbrinjavanje te osvrt na realizovane projekte stambenog zbrinjavanja raseljenih lica i osvrt na infrastrukturne projekte u povratničkim zajednicama.

2. PRAVNO UREĐENJE STATUSA RASELJENIH LICA I POVRATNIKA

Zaštita i socijalno statusni položaj raseljenih lica, propisani su federalnim i kantonalnim zakonima. Zakonom o raseljenim licima i povratnicima („Službene novine Zeničko-dobojskog kantona“, broj: 6/06, 10/08 i 10/11) raseljenim licima i povratnicima privremeno se osiguravaju sljedeća prava:

- pomoć u nužnoj opravci vlastitih kuća ili stanova;
- pomoć u korištenju kredita ili donacija za otpočinjanje poslova u pogledu stvaranja prihoda za sebe i svoju porodicu;
- privremeni smještaj;
- neophodna ishrana;
- socijalna adaptacija i psihološka podrška;
- zdravstvena zaštita;
- obrazovanje djece i omladine;
- podmirenje drugih nužnih životnih potreba.

Prema odredbama naprijed citiranog Zakona prioritet je ostvarivanje prava na obnovu stambenog fonda i privremeni smještaj.

Raseljena lica i povratnici na području Zeničko-dobojskog kantona ostvaruju osnovna socijalna prava, shodno odredbama Zakona o socijalnoj zaštiti, zaštiti civilnih žrtava rata i zaštiti

porodice sa djecom („Službene novine Zeničko-dobojskog kantona“, broj: 13/07, 13/11,3/15 i 2/16), jednako kao i svi građani, odnosno, domicilno stanovništvo Zeničko-dobojskog kantona.

3. BROJČANI POKAZATELJI I NAČIN SMJEŠTAJA RASELJENIH LICA

U dvanaest općina Zeničko-dobojskog kantona, prema podacima iz centralne baze podataka o raseljenim licima koja se vodi u Ministarstvu, trenutno je evidentirano 671 porodica, odnosno 1558 raseljenih lica.

3. 1. BROJ RASELJENIH LICA U 2019. GODINI

Posljednja reregistracija raseljenih lica izvršena je u periodu od 15. decembra 2004. godine do 31. marta 2005. godine, kada je registrirano 20210 lica. Dio raseljenih lica se vratio u prijeratno prebivalište bez objave kod nadležne općinske službe, dijelu raseljenih lica je pravosnažnim rješenjima ukinut status raseljenog lica zbog stvaranja uvjeta za povratak obnovom stambenih objekata, vlastitim izborom mjesta življenja ili zbog smrti.

Prema evidencijama koje se vode u gradovima/općinama na području Kantona zbrinuto je 1558 raseljenih lica odnosno 671 porodica. Po modelu „plaćanja stanarine“ zbrinute su 34 porodice. Jedino u općini Tešanj postoji kolektivno naselje u kojem je smještena 21 porodica. Izgradnjom zgrade u sklopu projekta “Zatvaranje kolektivnih centara kroz omogućavanje javnih stambenih rješenja-CEB II” izgradit će se zgrada sa 16 stambenih jedinica, pa je pretpostavka da će se na ovaj način većina raseljenih porodica trajno zbrinuti.

U 2019. godini ukinut je status za 19 raseljenih porodica i to u Zenici 11 porodica, Tešnju 5 porodica, Kakanju 1 porodica i Visokom 2 porodice.

U tabeli 1. dat je pregled brojčanog stanja raseljenih lica zaključno sa oktobrom 2019. godine.

Tabela 1.

R.br.	Općina	Broj ras. Lica	Broj ras. porodica	Br.porodica u alternativnom smještaju	Broj porodica u kolekt. smještaju
1.	Breza	18	14	2	0
2.	Doboj Jug	29	11	0	0
3.	Kakanj	167	65	4	0
4.	Maglaj	111	41	2	0
5.	Olovo	149	54	4	0
6.	Tešanj	212	59	0	21
7.	Usora	0	0	0	0
8.	Vareš	20	16	1	0
9.	Visoko	215	160	5	0
10.	Zavidovići	337	114	13	0
11.	Zenica	223	115	2	0
12.	Žepče	77	22	1	0
UKUPNO		1558	671	34	21

3.2. NAČIN SMJEŠTAJA RASELJENIH LICA I POVATNIKA

Raseljena lica i povratnici na području Kantona smješteni su na različite načine. Dio raseljenih lica još uvijek je smješten u kolektivnim naseljima, dio u alternativnom smještaju po modelu "plaćanje stanarine", dio u zgradama Radakovo i Crkvice u Zenici a ostali su smješteni privatno, kod rođaka, prijatelja i sl.

Povratnici na područje Zeničko-dobojskog kantona vratili su se u stambene objekte obnovljene ili vlastitim sredstvima ili putem različitih donacija, stanuju u privatnom smještaju za koji sami plaćaju stanarinu, ili su kod rođaka, prijatelja i slično dok im se ne obezbijede uvjeti da kroz donacije obnove svoje prijeratne stambene jedinice.

Od 2001. godine raseljenim licima, kojima je priznato pravo na privremeni smještaj i koji ostvaruju primanja ispod zakonski određenog cenzusa mjesečnih primanja, odobrava se alternativni smještaj po modelu "plaćanje stanarine". Članom 13. i članom 15. Zakona o raseljenim licima i povratnicima Zeničko-dobojskog kantona („Službene novine Zeničko-dobojskog kantona“, broj: 6/06, 10/08 i 10/11) propisan je način ostvarivanja prava na privremeni smještaj raseljenih lica „plaćanjem stanarine“ i visine iznosa mjesečnih stanarina u zavisnosti od broja članova domaćinstva. Po ovom osnovu stambenog zbrinjavanja zbrinute su 34 porodice. Za ovu namjenu u 2019. godini utrošena su sredstva u iznosu od 26.700 KM.

U kolektivnom naselju Vila u Tešnju smještena je 21 raseljena porodica zajedno sa domicilnim socijalno ugroženim porodicama. Ova raseljena lica su i prije rata bila u stanju socijalne potrebe, nisu imala vlastitu imovinu, odnosno većina su bili podstanari.

Rješavanje ovih i sličnih slučajeva omogućeno je putem realizacije Projekta UNHCR, Ministarstva za ljudska prava i izbjeglice, Federalnog ministarstva raseljenih osoba i kantonalnih ministarstava "Zatvaranje kolektivnih centara kroz omogućavanje javnih stambenih rješenja-CEB II" čiji je cilj iznalaženje odgovarajućih rješenja za trajno stambeno zbrinjavanje potencijalnih korisnika, a posebno ranjivih kategorija raseljenih lica.

Od 2005. godine dio najranjivijih raseljenih lica, lica starije životne dobi i bez porodičnog staranja, lica sa invaliditetom i drugim zdravstvenim teškoćama, stambeno je zbrinuto u dva stambena objekta u Zenici. U ovim namjenski izgrađenim zgradama za smještaj starih i iznemoglih raseljenih lica "Radakovo" i "Crkvice" smješteno je 46 porodica kojima se u ovisnosti od materijalnih prilika plaćaju režijski troškovi.

- Stambena zgrada u Crkvicama–Zenica je izgrađena 2005. godine sredstvima Vlade Švicarske. U ovom objektu trenutno je zbrinuto 10 porodica.
- Stambena zgrada u Radakovu–Zenica izgrađena je 2005. godine zajedničkim sredstvima Vlade Njemačke, Vlade Zeničko-dobojskog kantona i Općine Zenica. U ovom objektu trenutno je zbrinuto 36 porodica..

Stanovi u obje zgrade su funkcionalno namješteni potrebnim pokućstvom. Plaćanje režijskih troškova u ova dva objekta definirano je kriterijima prema kojima su korisnici razvrstani u četiri grupe, u zavisnosti od visine primanja. Prva grupa korisnika, lica u stanju socijalne potrebe, bez primanja, su u potpunosti oslobođena plaćanja režijskih troškova. Druga i treća grupa djelimično učestvuje u snošenju režijskih troškova, a četvrta grupa u cijelosti snosi režijske troškove.

U objektima „Radakovo“ i „Crkvice“ a sa ciljem stvaranja humanijih uslova za stanovanje starih i iznemoglih raseljenih osoba, finansira se projekat „Mobilna kućna njege i pomoć u kući za stara i iznemogla lica“ s ciljem organizacije unutrašnjeg života, nadzora nad održavanjem zgrada, regulisanja režijskih troškova i drugih bitnih poslova od važnosti za kvalitet i standard života stanara, a implementator projekta je JU „Penzionerski dom sa stacionarom Zeničko-dobojskog kantona“. Grad Zenica za raseljena lica smještena u ovim zgradama obezbjeđuje dostavu toplog obroka putem Javne kuhinje. Ministarstvo je u 2018. godini za rad javnih kuhinja izdvojilo 240.000 KM.

Zbog smanjenja broja starih i iznemoglih raseljenih lica sa Vladom Švicarske i Vladom Njemačke postignut je dogovor prema kojem se nakon oslobađanja stambene jedinice u zgradi u

Crkvicama isti predaje na upravljanje Gradu Zenica za smještaj domicilnih socijalno ugroženih porodica. Oslobađanjem stambene jedinice u zgradi u Radakovu raseljena porodica iz zgrade u Crkvicama se preseljava u zgradu u Radakovu kako bi se oslobodio smještaj za domicilne socijalne slučajeve iz Grada Zenica.

Na ime režijskih troškova u ova dva objekta do septembra 2019. godine iz Budžeta Zeničko-dobojskog kantona isplaćeno je 50.782,99 KM.

U 2019. godini Ministarstvo je nastavilo pružati pomoć za porodice koje su usljed prirodne nesreće izmještene iz svojih domova (poplave i klizišta) kroz plaćanje stanarine dok im se ne saniraju ili izgrade novi stambeni objekti. Važno je napomenuti da se svaka tri mjeseca, donošenjem novog rješenja, utvrđuje opravdanost nastavka korištenja prava. Do septembra mjeseca 2019. godini pravo na ovu pomoć ostvarilo je 26 porodica, a utrošena su sredstva u iznosu 26.040,00 KM.

4. POVRATAK RASELJENIH LICA NA PODRUČJE KANTONA

Tačan broj povratnika na područje Kantona nije moguće utvrditi s obzirom da povratnici nemaju zakonsku obavezu prijavljivanja povratka. Povratnici se prijavljuju u općinama povratka samo u slučajevima kada traže ostvarenje nekog od prava koja proizilaze iz statusa povratnika a koja su definirana Zakonom o raseljenim licima i povratnicima („Službene novine Zeničko-dobojskog kantona“, broj: 6/06, 10/08 i 10/11). Važno je naglasiti da je u svim općinama okončana provedba imovinskih zakona.

5. PROJEKTI OBNOVE STAMBENOG FONDA I ODRŽIVOG POVRATKA

Jedno od osnovnih prava raseljenih lica utvrđeno Zakonom o raseljenim licima i povratnicima („Službene novine Zeničko-dobojskog kantona“, broj: 6/06,10/08 i 10/11) je pravo na pomoć u nužnoj opravci vlastitih kuća ili stanova za trajni povratak na prijeratno prebivalište.

Stalan je problem pomoći u povratku raseljenim licima osiguranjem obnove stambenog fonda u slučajevima kada projekti obnove ne mogu biti realizirani zbog miniranog područja, nemogućnosti transporta građevinskog materijala do lokaliteta gradnje zbog devastiranih putnih komunikacija, devastiranosti infrastrukturne mreže-voda, električna energija, kanalizacija i sl.

Poseban problem predstavlja način trajnog rješavanja smještaja lica čiji je status revidiran na temelju zaštite ljudskih prava, humanitarnih i drugih razloga (žrtve nasilja, traume i zlostavljanja) kao i za invalidna lica, hronične bolesnike, porodice sa jednim roditeljem, stara i iznemogla lica bez sredstava za život, lica bez imovine i ostalih koji imaju razlog zbog kojeg ne žele da se vrate zbog nemogućnosti rekonstrukcije prijeratnih stambenih jedinica te lica koja imaju objektivne razloge zbog kojih se ne vraćaju. Zbog navedenog, Ministarstvo je izradilo Zakon o socijalno neprofitnom stanovanju Zeničko-dobojskog kantona koji je Skupština Zeničko-dobojskog kantona donijela 2013. godine. Donošenjem ovog zakona omogućena je implementacija projekata Vijeća Evrope, Ministarstva za ljudska pava i izbjeglice i Federalnog Ministarstva raseljenih osoba i izbjeglica-“Regionalni stambeni projekat-RSP” i “Zatvaranje kolektivnih centara kroz omogućavanje javnih stambenih rješenja-CEB II”.

U skladu sa odredbama navedenog zakona, a s ciljem zaštite ranjivih kategorija raseljenih lica, Ministarstvo je u saradnji sa gradovima i općinama izradilo Odluku o kriterijima i postupku ostvarivanja prava na subvencioniranje zakupnine u ovim stanovima kojom su definirani korisnici i procenat sredstava koja će se obezbjeđivati u Budžetu Zeničko-dobojskog kantona i gradovima/općinama Zeničko-dobojskog kantona. Vlada je donijela predloženu Odluku u aprilu 2018. godine. Za korisnike koji su definirani ovom Odlukom Ministarstvo će plaćati 60% a gradovi/općine 40% visine zakupnine. Takođe je izrađen draft zahtjeva za

subvenciju zakupnine i draft nacрта rješenja za subvenciju zakupnine za one korisnike za koje se prema Odluci Vlade obezbjeđuju u Budžetu Zeničko-dobojskog kantona sredstva.

U sklopu Regionalnog stambenog projekta u Zenici je izgrađena zgrada sa 62 stambene jedinice u koju su smještene i porodice raseljenih koje su koristile alternativni smještaj po modelu "plaćanje stanarine".. U 2019. godini započeta je realizacija projekta "Zatvaranje kolektivnih centara kroz omogućavanje javnih stambenih rješenja" izgradnjom prve od dvije stambene zgrade od 7 spratova sa 62 stana. Vrijednost projekta je tri miliona Eura. Grad ima obavezu da obezbijedi zemljište, dozvole za građenje i sve priključke.

U općini Olovo u sklopu u RSP projekta useljena je zgrada sa 26 stambene jedinice.

Općina Vareš je takođe uključena u RSP projekat u okviru kojeg će se graditi zgrada sa 9 stambenih jedinica za stambeno zbrinjavanje najugroženijih raseljenih lica i povratnika.

U sklopu projekta "Zatvaranje kolektivnih centara kroz omogućavanje javnih stambenih rješenja-CEB II" u Maglaju je izgrađena zgrada sa 15 stambenih jedinica i useljena. Dio korisnika je iz kategorije raseljeni osoba a dio iz kategorije domicilnih socijalno ugroženih kategorija.

U općini Tešanj, će se u sklopu projekta "Zatvaranje kolektivnih centara kroz omogućavanje javnih stambenih rješenja-CEB II" graditi zgrada sa 16 stambenih jedinica. Općina Tešanj je u procesu javnih nabavki za odabir izvođača radova. Odabrani izvođač po prvom javnom pozivu je odustao i pokrenut je novi postupak izbora izvođača radova. Vrijednost radova na izgradnji ovog stambenog objekta je 388.431 Eura.

U općini Kakanj u sklopu Regionalnog stambenog projekta - Podprojekat BiH 4 odabrana su tri korisnika sa područja općine. Obnova stambenog fonda za ove korisnike nije započeta zbog problema sa odabirom izvođača radova po javnim nabavkama.

5.1. PROJEKTI POTPORE POVRAATKU MINISTARSTVA ZA RAD, SOCIJALNU POLITIKU I IZBJEGLICE ZENIČKO-DOBOJSKOG KANTONA

Ministarstvo je u proteklim godinama samostalno radilo na implementaciji projekata obnove stambenih objekata po principu „ključ u ruke” ili „dodjela građevinskog materijala” a takođe je učestvovalo u sufinansiranju projekata obnove stambenog fonda sa Federalnim ministarstvom za raseljene osobe i izbjeglice i humanitarnim organizacijama CRS, ASB, Hilfswerk, te je obnovljeno više od 800 stambenih objekata.

U 2018. i 2019. godini Ministarstvo je akcent dalo na obnovu infrastrukture u povratničkim MZ s ciljem potpore održivom povratku i ekonomskom osnaženju povratničkih zajednica. Za podsticaj i održivost povratka u 2018. godini utrošeno je 759.370,00 KM. Dio sredstava je sufinansiran od strane Federalnog ministarstva raseljenih osoba i Federalnog ministarstva prostornog uređenja.

Do septembra 2019. godine za podsticaj i održivost povratka odobreno je 384.200,00 KM, a isplaćeno 234.200,00 KM. Za stvaranje minimalnih uvjeta za povratak (sanacija stambenih objekata, priključak stambenog objekta na elektroenergetsku mrežu isl.)- utrošeno je 14.200,00 KM, a za obnovu infrastrukturnih objekata (sanacija i rekonstrukcija putne mreže, obnova vjeskih objekata i sl.) 220.000,00 KM. Ostatak sredstava u iznosu od 150.000,00 KM za koja je posupak javnih nabavki radilo Federalno ministarstvo raseljenih osoba i izbjeglica, uplatit će se izvođačima radova po privremenim situacijama.

Najznačajniji projekti koji su finansirani ili sufinansirani sredstvima iz Budžeta Zeničko-dobojskog kantona za 2019. godinu su:

1. Projekat „Restauracija nacionalnog spomenika Stara džamija u selu Rujnica, općina Zavidovići“, odobreno 30.000,00 KM.
2. Obnova župne kuće u župi Svete Ane, općina Usora, odobreno 10.000,00 KM.

3. Obnova hrama Svetog Prokopija u srpskoj pravoslavnoj crkvenoj opštini Visoko, odobreno 10.000,00 KM.
4. Pomoć u rekonstrukciji i proširenju parohijskog doma pravoslavne crkve Svetih apostola i Pavla u crkvenoj opštini Kakanj, odobreno 20.000,00 KM.
5. Sufinansiranje projekta „Izgradnja dijela sobračajnice u naselju Podgora, dionica raskrsnica-Plošnik, općina Breza” ,odobreno 20.000,00 KM.
6. Sufinansiranje projekta „Izgradnja društvenog doma u MZ Kopice-I faza, općina Maglaj”, odobreno 30.000,00 KM.
7. Sufinansiranje građevinskih radova na izgradnji ograde oko mezarja u MZ Alibegovci i postavljanje ulične rasvjete, općina Usora, odobreno 20.000,00 KM.
8. Sufinansiranje projekta „Izgradnja mosta preko rijeke Krivaje u naselju Stog, općina Zavidovići”, odobreno 50.000,00 KM.
9. Projekat „Izgradnja javne rasvjete na području MZ Dolina-Alići, općina Zavidovići”, odobreno 20.000,00 KM.
10. Sufinansiranje rekonstrukcije krova na Hajder-dedinoj džamiji i sanacija lokalnog puta u naselju Karići, općina Vareš, odobreno 10.000,00 KM.
11. Sufinansiranje realizacije infrastrukturnih projekata na osnovu zaključenog Sporazuma o udruživanju sredstava za realizaciju projekata u Gradu Visoko i općinama Olovo, Tešanj i Žepče, odobreno 130.000,00 KM, kako slijedi:
 - Sufinansiranje projekta „Izgradnja puta u MZ Kralupi na potezu lokalnog puta Slatina – Čifluk“, Grad Visoko, iznos od 50.000,00 KM;
 - Sufinansiranje projekata „Izgradnja puta Trepče – Šljivice“, Općina Tešanj, iznos od 30.000,00 KM;
 - Iznos od 30.000,00 KM za sufinansiranje projekata u općini Žepče:
 - 1) „Asfaltiranje puta Gornji Vitlaci – Brijeg u MZ Vitlaci“ , iznos od 20.000,00 KM;
 - 2) „Rekonstrukcija lokalnog puta u MZ Vinište dionica prijelaz preko pruge – Križ“ iznos od.10.000,00 KM.
 - Sufinansiranje projekta „Sanacija lokalnog puta Olovske Luke – Gurdići“, općina Olovo, iznos od 20.000,00 KM.
12. Sufinansiranje projekta „Rekonstrukcija puta Kamenica-Mitrovići-Mašice”, Vlada Kantona odobrila 20.000,00 KM, Općina Zavidovići 10.000,00 KM i Federalno ministarstvo raseljenih osoba i izbjeglica 50.000,00 KM, a na osnovu zaključenog Sporazuma o udruživanju sredstava za realizaciju ovog projekta.

6. ZAKLJUČNA RAZMATRANJA

Sagledavajući problematiku raseljenih lica kojima su još uvijek neriješeni egzistencijalni problemi, potrebno je na senzibiliziran način pristupiti iznalaženju trajnih rješenja, bilo izgradnjom zgrada za socijalno-neprofitno stanovanje, ili kroz smještaj u socijalno-zdravstvene ustanove. Donošenjem Zakona o socijalno-neprofitnom stanovanju Zeničko-dobojskog kantona omogućena je realizacija projekata Vijeća Evrope, Ministarstva za ljudska pava i izbjeglice i Federalnog Ministarstva raseljenih osoba i izbjeglica-“Regionalni stambeni projekat-RSP” i “Zatvaranje kolektivnih centara kroz omogućavanje javnih stambenih rješenja-CEB II”.

U narednom periodu izgradnja stanova za socijalno-neprofitno stanovanje treba biti model zbrinjavanja posebno ranjivih kategorija raseljenih lica i povratnika.

U narednom periodu potrebno je:

- S obzirom da je Skupština Zeničko-dobojskog kantona donijela Zakon o socijalno-neprofitnom stanovanju, i Zakon o javno privatnom partnerstvu, pronaći potencijalne partnere za izgradnju stambenih jedinica u svrhu stambenog zbrinjavanja ranjivih kategorija.
- Nastaviti aktivnosti na provođenju konkretnih projekata obnove stambenog fonda, podsticaju i održivosti povratka obnovom infrastrukture i ekonomskim osnaženjem povratničkih zajednica.
- Zajedno sa Federalnim ministarstvom raseljenih osoba i izbjeglica te gradovima/općinama Kantona nastaviti sa aktivnostima na implementaciji Projekta „Regionalnog stambenog projekta i Projekta “Zatvaranje kolektivnih centara kroz omogućavanje javnih stambenih rješenja”. Realizacijom istih stambeno bi se zbrinule raseljene osobe iz kolektivnog i alternativnog smještaja, povratnici bez stambenog rješenja i ostali socijalni slučajevi iz lokalnih zajednica.
- Nastaviti saradnju sa nevladinim organizacijama na realizaciji zajedničkih projekata obnove stambenog fonda, sa posebnim akcentom na zbrinjavanje ranjivih kategorija raseljenih lica, uključivanjem nevladinih organizacija kod izrade projekata i monitoringa, s ciljem stvaranja kvalitetnijeg življenja i reintegracije povratnika u lokalne zajednice, a što je jedan od načina zadržavanja pažnje međunarodnih donatora prema Bosni i Hercegovini.

Zenica, oktobar 2019. godine

Ministarstvo za rad,
socijalnu politiku i izbjeglice

MINISTRICA

Azra Šabanović